

սահման, Որովհետեւ ջնջեալ է արձանագրութիւն հրովարտակին, խախտեալ է և զօրութիւն նորա, չինեալ և սահմանեալքն լինին առանց հրամանի, ուստի սլարտ է քակել եւ դարձուցանել յառաջին դիրս: Այլ որ սսեն Հայք, թէ համեմատ հին հրովարտակին մերոյ լեալ է չինութիւնն, անտեղի է, զի 'ի նմա գրեալ է 'ի վերայ նախնի դրից: Եւ յայսքան դարուց 'ի վեր և ոչ 'ի միում ժամանակի լեառն Զիթենեաց լեալ է սեփական ազգին Հայոց: Եւ տակաւին սսեն թէ րաց 'ի ջնջեալ հրովարտակէն, ունիմք այլ հրովարտակ սակս նորոգութեան. այլ զի ջնջեալ է արձանագրութիւն իսկական հրովարտակին, և վերջինն հիմնեալ է 'ի վերայ նորա, առաջինն որ ունի իսկապէս զօրութիւն, նա եւս ջնջեալ և անգործադրելի համարի: Ասեն դարձեալ թէ՝ ոչ երբէք փակեալ եմք զգուռն և արգելեալ զուխտաւորս, սակայն յառաջնում ամի ես ինքնին անձամբ գնացի ունելով ընդ իս զոմն իշխանազուն Տէրութեան Ռուսաց՝ և գտաք փակեալ զգուռն, բաղխեցաք՝ և ոչ բացին. սպասեցաք անդ վայրկեանս 13, և առանց ուխտի դարձաք յետս, և իշխանն բարկացեալ բողոք բարձեալ է. լուեալ է զայս և գիտէ Ալի Միւհսին էֆէնտի:

Փոխանորդն Հայոց. Անկաւ գմբեթն 'ի չարժէ, և 'ի ձեռն Դատաւորին նորոգեցաւ ծախիւք երից ազգաց, և տուաւ իւրաքանչիւրոց մէն մի բանալի՝ որպէս ասացին Յոյնք: Սակայն յայնժամ ոչ ընկալան Հայք զառաջարկութիւնս Դատաւորին, և բողոք բարձեալ մատուցին զվաւերական գրեանս զոր ունէին՝ և նոքօք հաստատէին թէ՝ նորոգութիւն տեղւոյն միայն սեփական է Հայոց, այլ Դատաւորն ոչ մատոյց ունկն բանից նոցա, և զրկեալ ըզՀայս, յառաջ վարեաց զհրաման իւր, և մեք ծանուցաք 'ի Դուռն Տէրութեան և խնդրեցաք զնորոգութիւն գրոց մերոց. գթացեալ Արքայի շնորհեաց հրովարտակ 'ի թուին 1401 յամսեանն Բէպիլ էփվէլի, և ըստ մտաց նորին եղեւ չինութիւնն, սլատարազն և եկեղեցական սպասքն, և արձանագրութիւն նորին ոչ է ջնջեալ, այլ երկրորդին, որ ոչ միայն սլարուեալէ զգործ չինութեան Զիթենեաց լերին, այլ և զընդհանուր նորոգութիւն Տաճարին Ս. Յարութեան. որովհետեւ ջնջեցան հրովարտակք Տաճարին